

Sarbušã

Sarku

سر بوشا
سر كو

Bamun

Tapuri

بمون
تپورى

Dedā: Tapuri, Bamun (1957-)
Diāfri-e num : SarbušāSarku
Diārkar: Tabarestan
Geder : Beār 2001/1380
Ru ešmār:**39**
Ādres: tapuri@web.de

ددا: ٲٲوری. ٲمون (١٩٥٧-)
دٲافری نوم: سربوشاسرکو
دیارکر : ٲیرستان
گذر : ٲ آر ١٢٨٠/٢٠٠١
رواشمار: ٢٩

آدرس : E.Mail:tapuri@web.de

[ٲدیدآورنده : ٲٲوری. ٲمون
نام اثر: سرزتش سرکشاده
ناشر : ٲیرستان
رویه شمار: ٢٩
زمان : بهار ١٢٨٠/٢٠٠١

آدرس : E.Mail:tapuri@web.de

Sarbakeši Vang-e Alefbā

سربکشی ونگ الفبا

ā ā b ب č چ d د e ا f ف
g گ h ه i ای i' ئی،یی j ج k ک
l ل m م n ن o اُ p پ q غ
r ر s س š ش t ت u او y (ketā
z ز y ی x خ v و،ئو،او اکتا

Sarbušāsarku

Xeš buen mazerun-e mardem-o del-e ves behār dāren.
Gap-e sar re nušā bāvvem ke tā esā naxunesseme-o
neštusseme ke kune Tabry/Tavry tā ame hāmsāl-e
Māzeruni " درود " Irāni-o " سلام " Arebi eslāmi-ye
jāsar, atāi dige dāšbu ke men hulāyrbum-o nātbum.
Mije šeme piškaš xeš. jāye " بدرود ", " خدا حافظ ", yā
ame pīrmārun baut: " xedā te/ti pešt-o penā " gembe
bellim sarxeš; tā šeme pasen āesi bue. hiški ges pali
nade-o zemer neše. farsām " خوش. خرم. شاد و.. "
genne!

Inti ke bi dapite, naresi nu sāl, mekenāre bune sar je
bayten-o suzi-e sarmāl hākerden. mere inti mene.
ašun-e taš bapperssenāre denyā badie/...ye. vene
bateten, kāyeri, piyri... har āi bue... vene še sāmunesse
kumek bui'm nā inke xeyr naxerdun-e vāri kurek.halā
vene ešnās-o nešnās re bešnāsīm! halā bišter yād

bayrim, baxunim, banvisim-o banešim; valkum Ferdâruz nâvven, âanne naxeš binâ. intâ untâsse zue, xikelunem tâ tunessene neštene taš baxese...

Vinni âeti emâre ketendenne. âeti jeq denne tâ ame vang (Internet) naresi nâýt bamune? nayšene injuri denyâye mardem-e jâ gap bazuen. pir bai' zebun-o bipir-e alefbâ mage elenne piš dakefim. attâ nemune biârem: halâ xale nadunne ke fârsi palem nedârne-o Torki gene "آقطی". "خودگردانی" xodgardâni"-e mardemi-em nedâštemi ke (Federalism)-esse, atâi besâzim. bune bâten hampimun yâ hembâz, num-e sar gap nedârme; huš bui'm ke esâruz-e denyâjem pe nakefim!

Vinni âande dard dârmi-o del dele â kašemi? atdas je vejenne-o atdas digejem ame tek re dujenne. kaý bumbi-o ay taš peremi. xaletume zardenezârmi-o bixedi pite âu re del davessemi ke darmun hâde. râs râssi ke ame sezâe emâre dembâl daket badunen!

Atandere še zevun bâteme tâ nâvven nadunde âiši bâvve, bâhâne girne-o ešâre dene. xâsseme-o xâmbes attâ vârem bayye bavinin ke nanšene še gap re xâr xâr bazenim. vene buver biârim ke age dunâ bui'm amruz-e ruz tumbi huji buji hâkenim. diru payru neštene, ferdâ pirâem danimi ke pekat re demâsendim. tâ darembi-o ame vang šune, še dai' re banemim. hameš sardaves? vasse dige bussemikâ, kue ame rased? mage denne, vene bexâssen-o bayten!

Dayme geteme, beštusseme ašun xalehā taš
bapperessene.atiem nāxeši bai't, dakelessene ke
mardem re bujen; inti ke gete getue hamdige re
baruštene.

Te geni ay derudaven-e, gap-e gere re nušem?!

Naý,naý...xāver nayye-o nie, halā ku! bigezer nazze
atāi baý ... xāni bāvvi ay vene in safe kaš re še xiāl-e
kaše, lat kaš bakešim? te geni ašun-e taš ambes nayye,
del-eves nāne? tere gembā...

Sexen-e sar re gerdendembe-o yāru-ye sar kaftel
kembe; hamuntā ke su nedā petpet dakete. veem še xed
re dunā dund-o še gene ke "دگراندیش"- me. ungeder ke
menem vere mesendime ande inti nayye ke amruz-e
ruz mivessem(Film)bāzi hākene; hamintāsse piš pāýt
re venejem persembe.

Tere gembā, te ke ši xedre gat vindi, āe āemer neni?!
beblās kai' kaāelik-e tum kamteri?! vešun-e dādem
darbemu.

Esā hame dunne ke un zamun ke sarsām baytun gap-o
gu yur demdāne, hamun dam dayne lussene.
hemsunesse rik nešun dāne-o mardem-e sar re xerdene.

tā tunessene bāl be bāl mejessene, vejine, vetene, gitene, vardene, vandessene, in su un su lat kašine, keštene-o pil/pul naytbun merderem sar nedāne. xāletum nie ke sivā sivāem ši tāāe re mašt kenne. hame vari belādaketun re bi xenemun kenne. hantā vejenne, girenne, varernne, vandenne, har keje badine tunne, sarxessenne. siy āāl rušenno-tāriksene tanek denne. sezāvār bavinen sezā denne. sarkaš-esar re taxt-e pešt šurenne, nexāssene bā jeme-o tanu/tan-e u beāā bene jā denne. har ki bexād tunde geldasse vene sar bašenede.unā gat-o xurd nakenne, bamerdejem nugzerenne. ande nābekārene ke ādemem rušenno (selik-o pir, nar-o mā, pāre-ye tan by tā xār-e tan) ati dele ati berim.

Kenese bārim še dard re? keje sar hādim še vang re? mage bune neštusbun in hame sāl?! haft pešt bigāne,xedxā-o āāā merāmem bibun-o buen; bi āes, qul-o lāl nayne-o nine kā?! nattunne derāq bāvven, nadi-vo neštus banemen!

Vešun-e benterem (ati bapis buver, šet kalle, keng-e su kar, keng-e les; xāne naxeš xāk-o xin/xun pasen buen yā xedešnās-e baddiāfri. ādemvaāuni ke bad sālārun re sar esperenne/ espārenne) tā esā vesse yād baytbun ke bixedi dassē-e perseru nāvven. har geder mure kenji hedā (kuse)-em āakkaš bune!

In ke genne har kemin at jurene, deru nānne. merdāl bayyun šāl, keftāl-o verg-e vārine! vešunem hameš

hampešt nine. har ki šivaneket kete zene. še sarvār tap zande-o lāmize peti dene. kam piš ene ke sagtevārun dur-o var nešā, jā-o rasedesse šutti baxeren, laý sar hāden-o xed be xed re bajuen.xale xāre-e ke baxt ādem-o ābādi re ru baneme-vo atkašem bayye, āngeli ruš-o jaqun-e dele, at de tāye kaš lāš hāyre-vo nefle bavven.

Ademizād age dunā bue vene piš dakefe;verg re tuš hāde-vo tā xeškejāri berāmende. keftāl šetum gat ter-ejā tarsene-o zende-e tan-e var nene. intā šāl-e ke xirue, xebrue, dunde āeti ābādi-e dešmendun re še palimāl dāre. ande gulzan-e ke dem-e jem rad gum kende.vene vere ling-e lu hākerden. benāāl vene jae, kurmi ke daves dārim-o jire hādīm. dige "Mode" nie ke vene dem re aleskin-o yaxe badujen yā sarjeme-e gerdeni hākenen.

Kene yād ene (beštus bi bu yā badi bibu) atā šāl daybu ke ši haf pešt-e kerd-ekār re nedāšbu; serpiš-e sagkete jā sarmāl bibu-vo mardem re sud baresendibu? ādem vene gej bue ke umet dāre šāl venesse umed dārne. unti ādem-e vaāe inti āmed re daves naves serpiš tā dar-e ben sardene.

Vene bagerdassen. sag sarhedāen tā šāl tevārun gir dakefen. vešun-e muri re neštus bayren-o dakkelum/n del nasuzenden/ nasujenden. navune inti jānevar re tanderes bešten, har jur bayye vene merdāl bauen. yā unti ratteram hedāen ke Māzrun-e hemendiem diār

nauven. girmi ke "Natur" xāyn barzex bavven-o ay
āmāre dev/deb baxunen. mage kam bātene?! xāmbi
āsude bui'm, nexār-e jāndār re āe kembi. vešun-e
piškaš, baveren še "park" re ferāxter hākenen.
xaletum-e ke xiāvandun-o mālvarun-e das, hame jā
xerābue yā kāšem daves. nākasun-e das ketābai' pe,
xār-e kār hākenim ke ay binj-o gandem bay tā kerk-o
merqene re invar-o unvar-e jā naxrinim.kere dam dare
sag kamterun re sar-o sāmūn hāde.

Xi pasendun-e xeš xerāk in hame sāl keje dayne?

"خاوران xāvarān" sar nazune-vo pešpešu nakerdene,
"Demāvan" re nadine, "Caspian" u naktene,
"Mazandaran مازندران" natetene-o ši bār re
navessene?! vešnā verg-e ling-e māl mage ande andue.
nu behār-e res vā kar sar barese, atirem men nešun
dembe! kāyerun piš dakefen. huš bui'm āu das nai'tem
benšene batkendien. Kay Valgem xale re ketendene.
hamin banvišt me gevā!

Bel više su dakefe, teti saršan bayve, dapiāe beār-e bi,
vang-o vā ruš dakefe, suz gelāmēm āakke zande-vo teti
re semā dene nuzāyne-e sar šandene (nuzā,
nubezāynem bune bāten, har āan tā Munā/munā buen)
šellābi ke genne šāl-e ārusie, sarkal bāvveem, āes kurik
hāyri, eftāb sāze zande siu avr-o ay garmi dene
mardem-e jān re. kune bayte har ki randi baxere vene
ārusiem vāreš ene. girmi kaleki dar kār naybu-vo
nedārunesse gap nesāt bun, šāl nadimi pelā lave

bareke bešti balefe.

Tā āzādi-o jašn-e gap miun dare xāre ke xeš seru, xunešxun-o sāzzan-e serāq re bayrim. erzene henerkārūn-o das be henerun rem peāk-e/peāik peāelik bayrim ke šemāem are?! šeme dele-em ande keāelāb-e bi dele yā zeku dayye? unāi' re gembe ke še re mirek-o šaqele-e varā nešun dāne-o denne, inje nexāambe num baverem, gembī das sāz-e mare! har kemin re beškenden āškār bune ke lāb bayte kel re per hākerd bine-vo tā tunessene nābaled-e kā re vardene.

šeme jāme, šemā ke nedārvaāun re xeš dāni-o še re xeš nešun dāni. delxeši hedā nedā āābek šini dārāketun-e āssune ništbinī, mardemdārūn-e sarben tā sarinesse hener vāresseni-o gand re pušendini. šeme mardemāri hamin bie ke vešnāun-e mal re buteni, zaminxārunesse parāim besāteni-o nexās bexās marzbun num bayteni.

Dure ke dageresse albet ke šemejā barbemu ke naāerem baāerem re kenār bešteni, āsunk āsuk sardār-o kadxedā re rang hākerdeni-o gat "آقا" vo "امامزاده" das hedāni. me gemun hamun geder ke yādgār dekāšt re "āqā" dār baxunesseni, hamun zamunem esbe raxt re kafen hākerdeni-o suz-e qevā dapušini. šāyedem šemā bini ke hame tum pišter jel davesseni?

Mage kam basrusseni, benvāxteni-vo atjur dige deldarim busendini? halāem (ayd-e bi jašn-e nu sāl) gerdenni-o gerdendenni. esām genni "Dictatori" re sar ja yur dembedāni-o menem menem-e mardemsālāri sar

denni. xānni nešun hādin ke šemam sar dar biārdeni ke hame persi nakerd, višter-e mardem re "Federation" vene?!

Yār, delbexāi'-o merām re dam be dam gerdendini, šemā re kam bie? erzeše ke "tārix تاريخ", zebun-o henerrem das baverin-o kam erzeš hākenin? bigemun še dunni ānde mardem-e dād re bavrini-o berme gali re tinār beštenī. šeme sar re baxere naxeš-e armun-o hener ruši. sarrās bāvvem, ferdā ruz ke Xeddāri-o Xedfarmuni nemāyun bune, girmi Mirā/mirā bamerd, Māzenderun šenāsi ke namirne. šeme āši dassem ru bune! nattunni še re jā badin-o derāq bāvin ke āmā naymi-o nimi.

Ande nakerdeni ke rikā kijāe num re še besāt-e dele baverin tā inti kam ešnās nāvvim. in dure vene jān bakendessen, in-o un-e jā bapersien. banvištāye miyn āeš baduten balkum āantā Āšūq, Armun, Bānu, Bāv, Bamun, Pāpeli/Pāppeli, Tisāpe, xeršit/ /Xeršid, Deryā/ Deryu, Rujā, Geldasse, Māziār/Māzyār, Munā, Mundegār, Mungdim/Māngdim, Mirā, Vāreš-o Vanuši pidā hākerden. Bijan "بيجن" "Setinesā" نسا /Seti ol/onnesā النسا yā Gelnesā نسا dād zanne ke Fārs-o Areb dim daketen-o hantā kaše baze dārenne! tāze, kune-vo nubesāt re raj hākenim, hame hame sat/sad 100 tāem nānne! kemin num be gur bayyun ame farhang-e sar inti belā biārdene, unti ke halāem šarm nakenne-vo emā re badtevār-o bad kiš ešnāsendenne?

Bitter vimbe ham nemune biârem-o ham yâd besperem.
vene henerdârun-o xubeš xunâi' pidâ hâkenim ke pare
nun-o xereš yâ num dar hâkerdenesse, mardem-e târix,
farhang-o hener re navrinen-o har bad farmunde xazine
nespujen.še re das demnaden-o tal-e begzešt/
bugzešt re šerin nešun naden. sâz-o âvâzi ke bune
bâten "sâsâniân ساسانیان" tum kuneter hassene re
nâderes das naverdbun-o naveren. âzâdsarun-e peser
deter-e xešxuni re feru nedâbun-o naden, sarverinâye
zan-o zâ re sarferâz nakerdbun-o nakenen. zar pâre
nayren-o nuruz-eseltun (سلطان تازی soltân-e tâzi) yâ
atâ sarbâr-e dige-ye num, nesâzen-o nasruen.
âanne bave nave deru bātene-vo ganj baverdene? bārḥā
xedi-e zur-e das nāâār baymi ke bigāne rem ru
bazenim. ande zard-e zār dâštene ke Areb-e penâ biârd
rem penâ baverdemi. age deres hârešim/hâršim sarsâb
bumbi ke "زیدیه تبرستان Zeydie/...iye Tabar estân"
xale dalikâtum bitter bine. kamter sar bavrine. serkele
re su hedâne-vo xenâbedun beštussene. Bâv-e dure bay
tâ tâsâ (hamin Ašuni ke taš-ekâ, âap-o râs-e âu re kelen
kerde) âan tâ farmunras-e nešun serâqe re xânni hâdem
ke šâ-o "خليفة xalife"-ye xarjkaš-o piškâr bine?
nâkasun re sar dur jân dur getene. bamerd namerd-e
vesse gumbed/gunbed-o bārgâ sātene-vo še embâr rem
dazze dâštene. zur pešti nukarun-o nuxâýn re âan jure
pitene, ruštene, rutene-vo pit-e darbâr-o dasgâ
rasendine. har ki tan nedâbu, pâyâu vandessene, sex

kašine, bere dāne-vo... harjur bexāsbun, nukārun re nuker-o kaniz kerdene;nexās bun sang vandessene, kaytan re kārd kašine-vo siy bax re āāl ingune.

āantā mirek-e numvar re nātering bayrem-o piāak-e raj-e māl re nešun hādem?āantā sardār-e dārsaršu re " کاغذ kāgez"-e ru banešendem? āan tā jārzan re bešmārem ke xešxun-e kubsarništ re jeq heāine-o kelesar-e āukeli re danye/daniye numesse, hāāin hākerdene? āantā jārkaš-e sarpuš re num baverem ke dale betim-evesse, das mejikar-e dasmare-o mezzir/mezgir bine? amirketun re kāti-e sar henišendine, mārek mārek palver betāšine, kelum besātene, ganjnumehā re basussene-vo mir-e ves bingune?

āantā kel amir-e Irāni re xānni resvā hākenem ke " یزیدبن معاویه " tum kam sevādter, bad dinter, demdārter, delsangter, xunxārter-o nāmardemiterene. begemun " طالبان " pirzāne. in nafrin bai' ālem suz-e kušk/kešk ništene. hametāi' tevār-e pe mardemāzār-o setemkarene. " امیرالمؤمنین اموی " atande Eslām re sambel nakerde, " حقوق بشر " re ling-eben nešte-vo " شاه دین šāh-e din"re bigāne naxunesse. jang re baverdepe, emām-e jāsar ništ-e ru, das derāz nakerde, fāmil-o hevādārun re zendun ningu. sāde bāvvem, begemun nexbe kāmxiāi' bie ke xale kāršenās dāšte. day/dai' bašer re ešnāsie, hame-ye sar re garm kerde-vo dur dāe, ši kārrem piš varde-vo še xāk rem

bišter kerde. ande huš bie ke še re "Liberal" baneme. age nā nešte beškeşe "Opposition" nafrinkarun rā dakefen. šas bālā bayren-o mis nesun hāden." یزید [yazid]"-esse sar tap baresenden. fāš bāvven-o xelik başenden. tā vene kāx dakelen-o attā zan, unem " شاه شهید [šāh-e šahid]"-e xāxer, xedi-o nāxedi-e pali vene badkāri re ru hākene... hantā pāk dādgāi' bayye. ayem garmsari nakerde, dine nayye-vo yevāşeki dastur-e keşt-e keştār nedā. valkum dunesbu sarjeri ruz āmedegāre, sar re jer bingbu-vo şere neāār jā dingu?! lābud xāsse hāreşe "Alternative" âeâi gene!

Ame sar sevārun-e dele keminā " خلیفه [xalife]" re mundenne-vo unti xenevār-e jā xedemunine? še hassemi, ande-em banşene berāber bešten-o zamune re nadi bayten. Yazid āan sāl sar verindesse, āanne-em dur-o dezzi/dezdi, zur-o dembel dāşte? inje unje-ye elsālār, šā, xān-o afsar-e sar verin āanne? mage bune dār re narušt kel beşmāressen?! xale das be rās vene tā tekene/...ā re barušen. ame pir-e dār per şāxue,âelleâelle mašt-e bār-e vo das şiš vene!

Me gemun hami ande zaxm-e zevun vasse. berāberi âeş badujm, hāreşim: kemin panje verātere? kemintāye pus kelftere? kemin attā dalik-o yereşār-e sar benter şune? sarāin hākenim!

Esā sardegārdendim, "Atlas"-e dani dai' re xār xār bavinim ke keminti-e mardem āvāreterene, basutterene, sāz/sāz-e gārterene, sarşanterene,

kārdunterene? kemintāun jelu kafenne. bihušdār re le denne, miāi' jem darenne, kāyeri kenne, marz-e talire vejenne, nāzdār-e rang kārenne-vo mehrbun-e das esperenne?

Gušbeni naxerd-o banvišt rez rez nai', yād besperem ke bigāne-e Fārsidunem dunde ke Āšūq aqe num gum bakene, šexed re "عاشق عيد عرب" āšeq-e eyd-e arab" nešnāsendene. hamintāssem sardene ke Gil Māz-e mardem har imuni dāren, yād baytene ke Areb-e sāl har geder sar daxete, attā šumi re bāyne bayren-o siu dapušen. "سادات" sādāt"-e ayditak/ta kisejem, dehun šerin nāne. ame delxeši hantāem rušendi-e beār/behār, yādgār-e taš su kari, merqene jangi, sar yā kaš, beskeš-o baxerdeni. nuj baze tim-o āes nu eš. āš/āšt, kašekā, nu kāri, nusāzi-o eftāb dei', nukari. beār-e bi/bu, malesso ses, hevāxeri. inje be uj, essāre su be/bi ruj. Rujā ruš daketepe, xešpuš-o xerāmen, be gemun Vanuše-o Uji/Uzi bi/bu, suzi sefre-e sar daāi. xeš gui'-vo xeš xeri, nu ruj/ruz-e be ār bemu.

Sen var hedāpe yā sen varāyte/varhāytepe, nuruj be kaš, aydi bāte pe, āmāde-e kār. ādine ruj āyne vini, pimun davessen, numze bayyen. āyne-vo erāyeš be kenār, kaš be kaš,kāyeri-o kār piš vari. intā ame gappā,gatbā/gatpā,gatbānu-vogatnāun-e aydi bie. tā be

esā injuri bimi-vo ayd re xār-o nexār begzerendimi.
Sen var hāytemi, der daketemi-o be/biārun-e su re dakuštemi. yād nārme "Areb" jašn-e bi ār re xeš dāštbu. me gemun ine ke ame ayd-e āyne vandi re bayte" عيد id/eyd" benemā! tā be amruz badini biābun āarun āš-e "نذری nazri" dāštibun. jang bebāxt-e vesse aydi āš (šele zard) hāden. merdegun-e vesse šerni "حلو و شربت halvā va šarbat" paxš hākenen?!

Hamunjur ke Terkemun ("Turkmen, Torkaman, Torkman") hemse, nue ("nohe نوحه") binevāye pešti, Husayn-e ("Hossein, sui'n حسين.سوئين") vesse sarāsine nazenne. āš-e gušt/guštāš-o šezardem paxs nakenne. "عيد غدیر خم eyd-e qadir-e xom" yā nuruz-e xeršidirem še ["Bāyrām"] nadunne. nā ["ækderme"] sar elenne nā["pešme"] sefre sar-e šerni kenne.

Un geder ke sembedārun (šā, šāl yā har šet-e šāxedār-e digei') dur hāytene. beruzāye nu jām re tap bazune, dayyun-e jeme-ā pe te re butene, jān-ā dam re bujine. še dembel bišter davessene. dembelek bazune, ben bālā baperessene, šābāš arnuš bakešine. šexedeš re Jamšād, Piruz yā yettā xarsar baxunessenā ruš daketene.

Las las Di-e damun re pine davessenā vā hādāne. šesse du demun badutenā dem-e sar re lā bedāne. tā vešnāxar viār/vi hār-e vāreš re še vesse lāb bazunā jašn baytene. ande deru buftene ke nā-o napers. hantāem ziādi lunne.sarduši ujenneā har nākasi re kelang-eduš

nišendene. tā unje ke gatingenā mard-e xedvin, de/dizā, dedār, xeš-e xešru-ā dešmen-e pali taš deyn re mardem-e duš-e jā butene, ban/band davessenā numrem gum be gum hākerdene. vene jāsar attā badrext-e zurdār, daxedā yā badxedāi' ke še re xedā xunesse, ādem nā gat-e mar, nāxešā/...š-ā de kat mardār, sarver-e ādem sarxār, hantāpāk mark-e mit henešendine. kārdaket-e deb baze re "ضحاک ماردوش" benemāne.

Sardemdārūn, šaqeleun-o lāšxerā, yereš, kaftel kāri, rext-e pāš-o... maqe ande andue. har zamun ruš daketene, bene-o benedār re feru baverdene. mex bazune-vo maqz baxerdene, še sar re ferāz hedāne. xāme re katek besātene-vo tārix kaftel bafermine. ande kalyār-okelyār darenne ke halāehalāem baveren.

Attā nemune-e dige rezdem-e sarvej hasse. ānde bāhāne baytene-o basrussene? sar be sar derāq bevāressene. ame gatterun re de/di te per (depur, diper, de tebār...) bātene-vo "دیو" re nafrin hākerdene. āan sar ame kešvar yā ostān-e num re das baverdene-vo āxer sar "طبرستان" bakešine? (dakkel Maz idar, Māz andarān, Di perestān, devpurestān, Di purestān, Tāpurestān,...Tapurestān-em nā, Taberestān-e Arebi nemā) das dasi gat-e šā,regtem/reztim-e palibun re Restem pahlevun vang hedā. ande betājendine... ay dev-e sirxār, taš dehun-o tenāvar-e sar re bavrine. ay mardem-e afsarā re "دیوان مازندران" benāmessene.

be gemun har geder tuš hedāmi, višter nafrin baymi-o
nāsezā badimi!

In ruz-egār-e dele em, xale mirex-e sang das kaš, pidā
bunne ke nadunne "Realist" kene sun-evo kere sune. tā
in pe un pe kenne, sar rekenne-vo reqed šunne, un sun
ke vene bavuše bune. teju-ye dunāi' merik/merig
xedāun re rexik/rexig sune-vo rek/reg-e vāzi
kende. Siusang rem rex dene-omerex sāzene. "chance"
biāre-vo xešvin vaāe-e das dakefe. dasmare "Robot"-e
gerdeni bagerde!

Tā key tunāne tārix-e tek re badujen? āanne tunne kenj
nešināre bavrijen-o nuārun-e sarketār re davenden?
dai' bašer ande piš burde ke āsemunsar gerdek-e ābādi
benā bešte. hame atjur gap zanne-o denyā vešun-e
vaten-e. har nukāri še kešvar-o mardem-e jā, yād-egāri
hemreket dārne. dagerdim še re hārešim, āantā šāb piš
burdemi yā āe ande pas darembi? badun bui'm
mardem-e sarsālāri āmedegāre. halā halā kār dārmi,
denyāre bakete kāre. "GiIMāz"-o hemsāynun rem
revāe. mene keldas-o yurništ-e jā hami andek bar bemu
ke še sar-o sāmūn-e zebun, tārix-o dāri-e digar re ati
benevāzem-o helākendem.

Un das-e dur ke še zebun re šiš hākene-vo in nemāšte
gap-e tum das be rajter, seresar-e dār re xār-o xubeš
baruše!

Hāy Feluni, tijāme, usāne nāmbe. nadundi kemin vari
reqed šuni? hantā xurdi ke merex re mervāri vindi. yād

niārni atšu kallevang sardāi'-o semā kerdi, del
bexāi'jem geti, âeš berāi' re nevišti, kene hemreket
dai'?! esā inti bai' ke hemsun-e dāšti re sar kašeni-o še
sere peti deni?! teem Pul ešmār-e vāri Dembe-o
Sembe bai'? dalik-o xire ke bi, marekel-o bājgirem
bai'?!

âande bātme/bāteme, Vešnāâeš, ati parez hāken. bixedi
šešem nakeš, piš re hāreš. kebl yā kellamirun-e memel
navāš. vāye pešti u nakef, hantā hasnukar nai'. gat-e
kellāk sar barese, esbe siy nakende. terem u baxerd-o
vādaket, deryu je kaftel kende yur!

Ašun ke šaxšax meti-o taš-e serxi re giti, te âeš asli (te
bau asri) navesse, šere nāti dige vasse?! tejame, hāy
kam su bai' Num! ande sarku vasse aydipiši yā hantā
hāšt-o hušt vene? âdem ande pus keleft-o âeš balešt?!

Tijā ande barnene ke hamin kelâini re bavini-o Fārsi
benemāi'. migemun ââršambe Bazār-e Māi'ruš,te-vo te
essāun-e zekutum višter, baverd bebāxt-e
Māzenderun-e mardem re bešmāres dārne. kelu kelu
bebāxte-o dasmare nayye. pas Ve-o vene hamsereun-o
ham sun-e sar xeš!

Esmil vaâe (Bamun Tapuri)

14.3.2001/24.12.1379

سړيو شاسر كو

خش بوئن مازرون مردم و دل وس بهاردارن. گپ
سررنوشا، باووم كه تا اسانخونسسمه و نشتوسسمه كه
كونه تبرى/تورى تامه همسال مازرونى "دروډ"
ايرانى و سلام اربى اسلامى جاسر، ات چى ديگه داشبو
كه من هولاييت بوم و ناتبوم، مى جه شمه پيشكش خش.
جاي "دروډ"، "خداحافظ"، يا امه پرمارون بئوت: "خدا

ته/تی پشت و پنا گمبه بلایم سرخش؛ تاشمه پسن
چشی بوئه. هیشکی گس پلی ندئه و زمرنشه. فارسام
"خوش، خرم، شاد و... گننه!"

اینتی که بی دپیته، نرسی نوسال، مکنار بونه سرجه
بی تن و سوزی سرمال هاگردن. مره اینتی منه، اشون
تش بیپرسنا ردنیا بدیه. ونه بتتن، کایری، پیوری...
هرچی بوئه ... ونه شه سامونسسه کومک بوئیم نا این
که خیر نخردون واری کورک. هلا ونه شناس و
شناس ر/ره بشناسیم! هلابیشر یادبی ریم، بخونیم،
بنویسیم و بنشیم؛ ولکوم فرداروز ناوون. چنه نخش
بینا؛ اینتا اوتاسسه زوئه؛ خی کلونم تا تونسسه نشتنه
تش بخسه...

ویننی چتی امارکتندنه. چتی جغ دننه تا امه ونگ
اینترنت (Internet) نرسی، نائوت بمونه؟ نی شنه این
جوری دنیای مردم جا گپ بزوئن (اتی نینشنه ر گننه
بنشنه) پیر بی زبون و بی پیر الفبا مگه الننه پیش
دکفیم؟ اتا نمونه بیارم: هلاخله ندوننه که فارسی پلم
ندارنه و ترکی گنه آقطنی. "خودگرانی" مردمی ام
نداشتمی که فدرالیسم (Federalism) سسه، ات چی
بسازیم. بونه باتن هم پیمون یا همباز، نوم سرگپ
ندارمه، هوش بوئیم که اساروز دنیا جم په نکفیم!
ویننی چنده درد دارمی و دل دله آکشمبی؟ ات دس جه
وجننه و ات دس دیگه جم امه تکر دوجننه. کنوبومبی و
ای تش پرمبی. خله توم زردنزاریمی و بیخدی پیتچور
دل دوسمی که درمون هاده. راس راسی که امه

سزائه اماره دمبال دکت بدونن!
اتندر شهزوون باتمه تا ناوون ندوندنه چیشی باووه،
باهانه گیرنه و اشاره دنه. خاسسمه و خامبه
اتتاوارم بییه بوینین که ننشنه شه گپ رخارخاربزینیم.
ونه بوور بیاریم که اگه دونا بوئیم امروز روز تومبی
هوجی بوجی هاکنیم. دیرو پیرونشتنه، فردا پیرائم
دنیمی که پکت ردماسندیم، تا درمبی وامه ونگ شونه،
شه دئی را بنمیم، همش سردوس؟ وسسه دیگه بوسسمی
کا، کوئه امه رسد؟ مگه دننه، ونه بخاسسن وبی تن!

دی مه گتمه، بشتوسسمه اشون خله ها تش بیپرسسینه،
اتی م ناخشی بییت، دکلسسینه که مردم ربوجن، اینتی
که گته گتوئه همدیگه ر بروشتنه.
ته گنی ای درودونه، گپ گره ر نوشم؟!
نئو، نئو خور نییه و نیه، هلاکو! بی گزر نزره اتچی
بئو... خانی باووی، ای ونه این سفه کش ر شه خیال
کشه، لت کش بکشیم؟ ته گنی اشون تش امبس نییه،
دل وس نانه؟ تره گمبا...

سخن سرر گردنمبه و یاروی سرکفتل کمبه؛ همونتا که
سو ندا پت پت دکته، وئم شه خدر دونا دونده و شه
گنه که "دگرانیش" مه، اون گدر که منم وره مسندیمه
انده اینتی نییه که امروز روز می و سسم فیلم (film)
بازی هاکنه؛ همینتاسسه پیش بئوت ر ونه جم پرسمبه.
تره گمبا، ته که شی خدره گت ویندی، چه چمرنی؟!
بیلاس کئی کچلیک توم کمتری؟! وشون دادم دریمو.
اسا همه دونه که اون زمون که سرسام بی تون گپ وگو

یور دمدانه، همون دم دینه لوسسنه، همسونسسه ریک نشون دانه و مردم سر رخردنه. تا تونسسسه بال به بال مجسسسه، وجینه، وتنه، گیتنه، وردنه، وندسسسه، این سو اون سو لت کشینه، کشتنه و پیل/پول نی تبون مردهرم سرندانه. خله توم نیه که سیوا سیوایم شی تا چه رمشت کننه. همه وری بلادکتون ر بی خنمون کننه. هتا وجننه، گیرننه، ورننه، وندننه، هرکجه بدینه توننه سرخسننه، سیوچال روشننه و تاریکخنه تنک دننه. سزاوار بوینن سزا دننه. سرکش سررتخت پشت شورننه، نخاسسسه باجمه وتنو/تن او بچابنه جا دننه. هرکی بخاد تونده گل دسسه ونه سریشنده. اوناگت و خورد نکننه، بمردجم نوگزرننه. انده نابکارنه که آدم روشننه (سلیک وپیر، نروما، پاره‌ی تن بی تا خارتن) اتی دله اتی بریم.

کنسسسه باریم شه درد ر؟ کجه سرهادیم شونگ ر؟ مگه بونه نشتوسبون این همه سال؟! هفت پشت بیگانه، خدخاوچی مرامم بیبون و بوئن؛ بی‌چش، غول‌ولال نینه‌کا؟! نتتوننه دراغ باوون، ندی و نشتوس بنمن! وشون بن ترم (اتی بییس بوور، شت کله، کنگ سوکر، کنگ لس؛ خانه نخش خاک و خین/خون پسن بوئن یا خدانشناس بددیافری. آدم وچونی که بدسالارون ر سر اسپرننه/ اسپارننه) تا اسا وسسه یاد بی‌تبون که بیخدی دسسش پرسرو ناوون. **هرگدر موره کنجی**

هدا، (کوسه) ئم چک کش بونه!

این که گننه هرکمین ات‌جورنه، درو ناننه، مردال بی‌یون شال، کفتال و ورگ وارینه! وشونم همش هم پشت نینه. هر کی شی ونه‌کت کته زنه. شه سروار تپ زنده و

لامیزه پتی دنه. کم پیش انه که سگ توارون دورورنشا، جا ورسدسه شوتی بخرن، لئوسرهادن و خدبخدر بجوئن. خله خارکه بخت آدم و آبادی ر رو بنمه وات کشم بییه، چنگلی روش و جغون دله، ات دتای کش لاش هایره و نفله بوون.

آدمیزاد اگه دونا بوئه ونه پیش دکفه؛ ورگ ر توش هاده و تا خشکجاری برامنده. کفتال شه توم گت ترجا ترسنه و زنده تن ورننه. اینتا شال که خیره، خبروئه، دونده چتی آبادی دشمندون ر شه پلی مال داره. انده گول زن که دم جم ردگوم کنده. ونه وره لینک لو هاگردن. بن چال ونه جائه، کورمی که دوس داریم و جیره هادیم. دیگه "مد (Mode) نیه که ونه دم ر السکین ویکه بدوجن یا سرجمه ی گردنی ها کنن.

کنه یادانه (بشتوس بیبو یا بدی بیبو) اتا شال دی بو که شی هف پشت کردکار ر نداش بو؛ سرپیش سک کته جا سرماال بی بو و مردم رسود برسندی بو؟ آدم ونه گچ بوئه که اومت داره شال ونسسه اومدارنه. اونتی آدم وچه اینتی آمد ر دوس نوس سره پیش تا دربن سردنه.

ونه بگردسسن. سگ سرهدائن تا شال توارون گیردکفن. وشون موری رنشتوس بیرن و دککلون دل نسوزندن/نسوجندن. نوونه این تی جانور رتن درس بشتن، هرچور بییه ونه مردال بئوون یا اونتی رتته رم هدائن که مازون همندی ئم دیار نئوون. گیرمی که "ناتور (Natur)" خائون برزخ بوون و ای آماره دو/دب بخونن. مگه کم باتنه؟! خامبی آسوده بوئیم، نخارجان داررچه کمبی. وشون پیشکش، بورن شه

"پارک (Park)" ر فراخ ترهاکنن. خله توم که خیاوندون و مال ورون دس، همه جا خرابوئه یا کاشم دوس. ناکسون دس کتابئی په، خار کارهاکنیم که ای بینج و گندم بی تا کرک و مرغه ر اینور و اونور جا نخرینیم. کره دم دره سگ کمترین ر سروسامون هاده. خی پسندون خشن خراک این همه سال کجه دی نه؟ "خاوران" سرنزونه و پیش پشو نکرده، "دماون" را ندینه، "کاسپین (Caspian)" اونکتنه، "مازندران" نتتنه و شی بار ر نوسسنه؟! وشناورگ لینگ مال مگه انده اندوئه. نوبهار رس وا کر سربرسه، اتی رم من نشون دمبه! کایرون پیش دکفن. هوش بوئیم چودس نئیم بنشنه بتکندین، کتوولگم خله ر کتندنه. همین بنویشت مه گوا!

بل ویشه سودکفه، تتی سرشن بئووه، دپیچه بهاری/بو، ونگووا روش دکفه، سوز گلام چککه زنده و تتی ر سمادنه نوزائون سرشندنه (نوزا، نوبزائوئم بونه باتن، هرچن تا مونا/مونا بوئن).

شللابی که گننه شال آروسیه، سرکل باووئم، چش کوریک هایری، افتاب سازه زنده سیو اوروای گرمی دنه مردم جان ر. کونه بئوته هرکی رندی بخره ونه آروسیم وارش انه. گیرمی کلکی در کارنی بووندارو نسسه گپ نسات بون، شال ندیمی پالووه برکه بشتی بلفه.

تا آزادی و جشن گپ میون دره خاره که خش سرو، خونش خون و ساززن سراغ ربی ریم، ارزنه هنرکارون و دس به هنررون رم پچک/پچیک پچلیک بی ریم که شمائم اره؟! شمه دلئم انده کچلاب بی دله یا زکو

دی‌یه؟ اونائی رگمبه که شه ر میرک و شغله‌ی ورا نشون دانه و دننه، اینجه نخامبه نوم بورم، گمبی دس سازمره! هرکمین ر بشکندن آشکار بونه که لاب بی‌ته کل ر پرهاکردبینه و تا تونسسه نابلد کار وردنه. شمه جامه، شما که ندار وچون ر خش دانی و شه ر خش نشون دانی. دل خشی هدا ندا چابک شینی داراکتون آسسونه نیشث بینی، مردم دارون سربن تا سرینسسه هنروارسسینی وگندر پوشندینی. شمه مردم‌داری همین بیه که وشنائون ملر بوتنی، زمین خارونسسه پرچیم بساتنی و نخاس بخاس مرزبون نوم بی‌تنی.

دوره که دگرسسه البت که شمه جا بریمو که نچرم بچرم رکنار بشتنی، آسوک آسوک سردارو کدخدا ر رنگ هاگردنی و گت آقا و امامزاده دس هدانی. مه گمون همون گدر که یادگار دکاشت ر آقا دار بخونسینی، همون زمونم اسبه رخت ره کفن هاگردنی و سوزغوا دپوشینی. شایدم شما بینی که همه توم پیشتر جل دوسسینی؟

مگه کم بسروسسینی، بنواختنی و ات جوردیگه دل دریم بوسندینی؟ هلائم (ایدبی جشن نوسال) گردنی وگردندنی. اسام گننی "دیکتاتوری Dictatori" ر سرجایوردمبدانی و منممنم مردم سالاری سردننی. خاننی نشون هادین که شمام سردربیارنی که همه پرسنی نکرد، ویشتر مردم ر "فدراسیون Federation" ونه؟!

یار، دل بخائی و مرام ر دم به دم گردندینی شما ر کم بیه؟ ارزسسه که "تاریخ" ، زبون و هنر رم دس

بورین و کم ارزش هاکنین؟ بی‌گمون شه دوننی چنده مردم داد ر بورینی و برمه گلی رتینار بشتنی. شمه سرر بخره نخش ارمون و هنر روشی. سرراس باووم فرداروز که خدداری و خدفرمونی نمایون بونه. گیرمی میرا/میرا بمرد. مازندرون شناسی که نمیرنه. شمه آشی دسسم روبونه. نتتوننی شه ر جابدین و دراغ باوین که آمانی می ونیمی.

انده نکردنی که ریکا کیجائه نوم ر شه بسات دله بورین تا اینتی کم شناس ناوویم. این دوره ونه جان بکندسسن. این واون جا پیرسین. بنویشتای میون چش بدوتن بلکوم چن تا آشوغ، ارمون، بانو، باو، بمون، پاپلی، تیساپه، خرشیت/خرشید، دریا/دریو، روجا، گل دسسه، مازیار، مونا، موندگار، مونگ دیم/مانگ دیم، میرا، وارش و ونوشه پیدا هاگردن. بیجن، ستی‌نسا/ستی‌النسا یا گل نسا دادزننه که فارس وارب دیم دکتن و هنتاکشه بزه دارننه! تازه، کونه ونوسبات ر رج‌هاکنیم، همه همه ۱۰۰ ست/سدتائم ناننه! کمین نوم به گور بی‌یون امه فرهنگ سرایننتی بلا بیاردنه، اونتی که هلائم شرم نکننه و امار بدتوار و بدکیش شناسندنه؟

بیتر ویمبه هم نمونه بیارم وهم یادبسپرم. ونه هنردارون و خوبش خونائی پیداهاکنیم که پره نون وخرش یا نوم درهاگردنسسه، مردم تاریخ، فرهنگ و هنر نورینن و هر بد فرمون د خزینه نسپوچن. شه ر دس دمندن و تل بگزشت /بوگزشت ر شرین نشون ندن. ساز و آوازی که بونه باتن "ساسانیان" توم کونه‌تر هسسنه ر نادرس دس

نوردبون و نورن. آزادسرون پسر دتر خش خونی ر
فرو ندابونوندن، سرورینای زن و زار ر سرفراز
نکردبون و نکنن. زریاره نیرن و نوروز سلتون
(“سلطان” تازی) یا اتاسربار دیگهی نوم، نساژن و
نسرؤئن.

چینه بوه نوه درو باتنه و گنج بوردنه؟ بارها خدی
زور دس ناچار بی می که بیگانه رم روبزیم. انده
زردزار داشتنه که ارب پنا بیاردرم پنا بوردمی. اگه
درس هارشیم سرساب بومبی که “زیدیه تبر ستان” خله
دلیکاتوم بیتتر بینه. کمتر سربورینه، سرکله ر سوهدانه
و خنابدون بشتوسسنه. باو دوره بی تاتاسا (همین
اشونی که تش کا، چپ و راس چورر کلن کرده) چن
تا فرمون رس نشون سراغه ر خاننی هادم که شائو
“خلیفه” ی خرج کش و پیشکارینه، ناکسون ر سر دور
جان دور گتنه. بمرد نمرد وسسه گومبد/گونبد و بارگاه
ساتنه وشه امباررم دززه داشتنه. زورپشتی نوکارون و
نوخائون ر چن جوره پیتنه، روشتنه، روتنه و پیت
دربار و دسگا رسندینه. هرکی تن ندابو، پای چو
وندسسنه، سخ کشینه، بره دانه و ... هرچور بخاسبون،
نوکارون ر نوکر و کنیز کردنه؛ نخاس بون سنگ
وندسسنه، کئوتن ر کاردکشینه و سیویخ ر چال
اینگونه.

چن تا میرک نومور ر ناترینگ بی رم و پیچاک رج مال
ر نشون هادم؟ چن تا سردار دارسرشو ر “کاغذ” رو
بنشندم؟ چن تا جاززن ر بشمارم که خش خون کوب
سرنیشت ر جغ هچینه و کله سرچوکللی ر دنیه/دنی یه
نومسسه، هاجین هاگردنه؟ چن تا جاركش سرپوش رنوم

بورم که دله بتیم و سسه، دس مجی کر دس مره و
مزیر/مزگیر بینه؟ امیرکتون ر کاتی سر هنیشندینه،
مارک مارک پلور بتاشینه، کلوم بساتنه، گنج نومه‌ها ر
بسوسسنه و میروس بینگونه؟

چن تا کل امیر ایرانی ر خاننی رسوا هاکنم که
"یزیدبن معاویه" توم کم سوادتر، بددین تر، دم‌دارتر،
دل سنگ تر، خونخارتر و نامردمی ترنه. به گمون
"طالبان" پیرزانه. این نفرین بی آلم سوز کوشک/کشک
نیشتنه. همه تایی تواریه مردم آزارو ستم کرنه.
"امیرالمؤمنین اموی" اتنده "اسلام" ر سمبل نکرده، "حقوق
بشر" ر لینگ بن نشته و "شاه دین" ر بیگانه
نخونسسه. جنگ ر بوردپه، امام جاسرنیشت رو دس
دراز نکرده، فامیل و هوادارون ر زندون نینگو. ساده
باووم، به گمون نخبه کام خائی بیه که خله کارشناس
داشته. دی/دئی بشر ر شناسیه، همه‌ی سررگرم کرده
و دوردائه، ش کاررم پیش ورده و شه خاک رم بیشتر
کرده. انده هوش بیه که شه ره "لیبرال Liberal" بنمه.
اگه نانشته بشکسسه "اپوزیسیون opposition" نفرین
کرون را دکفن، شس بالا بی‌رن و میس نشون هادن.
"یزید" سسه سرتپ برسندن، فاش باوون و خلیک
بشندن. تاونه کاخ دکلن و اتتازن، اونم "شاه شهید"
خاخر، خدی و ناخدی پلی ونه بدکاری ر روهاکنه...
هنتا پاک دادگائی بی‌یه. ایم گرم سری نکرده، دینه
نی‌یه و یواشکی دستور کشت کشتار ندا. ولکوم دونس
بوسرجری روز آمدگاره، سررجرینگ بووشه ر
نچار جا دینگو؟! لابود خاسسه هارشه "آلترناتیو
Alternative" چچی گنه!

امه سر سوارون دله کمینا "خلیفه" ر موندنه و اونتی
خنوارجا خدمونی نه؟ شه هسسمی، اندئم بنشنه برابر
بشتن و زمونه ر ندی بی-تن. یزید چن سال سر
وریندسه، چن نئم دور و دززی/دزدی، زور و دمبل
داشته؟ اینجه اونجه‌ی ال سالار، شا، خان وافسر
سرورین چنه؟ مگه بونه دار ر نروشت کل
بشمارسن؟! خله دس به راس ونه تا تکه/...نا ر
بروشن. امه پیردار پرشاخوئه، چله مشت بار و دس
شیش ونه!

مه گمون همی انده زخم زوون وسسه. برابری چش
بدوجیم، هارشیم: کمین پنجه وراتره؟ کمینتای پوس
کلفتیه؟ کمینتا/کمین اتتا دلیک ویرش آرسر بتتر شونه؟
سرچین‌ها کنیم!

اساسردگاردندیم، "اتلس Atlas" دنی دئی ر خارخار
بوینیم که کمینتی مردم آواره‌ترنه، بسوت‌ترنه،
سازگارترنه، سرشن‌ترنه، کاردون ترنه؟ کمینتائون جلو
کفننه. بی‌هوش‌داررله دننه، میائی جم دراننه، کایری
کننه، مرزتلی روجننه، نازدار رنگ کارننه و مهربون
دس اسپرننه.

گوشی بنی نخرد و بنویشت ررز نئی، یادبسپرم که
بیگانه فارسی دونم دونده که آشوغ اگه نوم گوم بکنه،
شه خدر "عاشق عید عرب" نشناسندنه. همینتاسسم
سردنه که گیل ماز Gil Māz مردم هرایمونی دارن، یاد
بی‌تنه که ارب سال هرگدر سردخته، اتتاشومی ر باینه
بی‌رن و سیو دیوشن. "سادات" ایدی تک/ته کیسه جم،

دهون شریں نانه. امه دلخشی هنتائم روشندی به آر/بهار، یادگار تش سوکری، مرغنه جنگی، سریا کش، بشکس و بخردنی. نوچ بزه تیم وچش نواش. آش/آشت، کشه‌کا، نوکاری، نوسازی و افتاب دئی، نوکری، به آر/بو، مسسوسس هواخری. اینجه ب اوچ، اسساره سوب/بی روج، روجاروش دکت‌په، خش پوش و خرامن، به گمون ونوشه و اوچی/اوزی ب/بی، سوزی سفره سردچی، خش گوئی و خش خری، نوروج/روز به آر/مو. سن ورهداپه یاسن ورايته/ورهائته په، نوروج به کش، ایدی باته په، آماده کار. آدینه روج آینه وینی، پیمون دوسسن، نومزه بی‌ین. آینه و ارایش به کنار، کش به کش، کایری و کارپیشوری. اینتا امه گپیا، گت با/گت‌پا، گت بانو و گت‌نائون ایدی بیه، تا به اسا این جور بیمی واید رخارونخار بگزرندیمی.

سن ورهائیتی، در دکتمی و به /بی‌آرون سور دکوشتمی. یاد نارمه "عرب" جشن بی‌آرر خش داشت بو. مه گمون آینه که امه اید آینه وندی ربی‌ته "عید" بنما! تا به امروز بدینی بیابون چرون آش "ندری" داشتبون. جنگ بیاخت و سسه ایدی آش (شله زرد) هادن. مردگون و سسه شرنی "حلوا و شربت" پخش هاکنن؟!

همون جور که ترکمون ("ترکمن، تورکمن Turkmen") همسه، نوئه ("نوحه") بی‌نوای پشتی، هوسین ("حسین، سوئین") و سسه سراسینه نزننه. آش گوش/گوشت آش و شله‌زردم پخش نکننه. "عید غدیرخم" یا نوروز خرشیدی رم شه ("بایرام bāyrām") ندوننه. نا [چک

درمه [ˈækdərme] سرالنه نا [ˈpeʃme] پشمه [ˈpeʃme] سفره سرشرنی کنه.

اون گدر که دمبه دارون (شا، شال و یا هرشت شاخه دار دیگه ای) دور هایتنه. ب روزای نوجام ر تپ بزونه، دی یون جمه آپه تر ر بوتنه، جانا دم ر بوجینه. شه دمبل بیشتر دوسسنه. دمبلک بزونه، بن بالا بپرسسنه، شاباشا ارنوش بکشینه، شه خدش ر جم شاد، پیروز یا یتتاخرسربخونسنا روش دکتنه.

لس لس دی دمون ر پینه دوسسنا واهدانه. شسسه دودمون بدوتنا دم سرر لابدانه. تا وشناخار ویار/ ویهار وارش ر شهوسسه لاب بزونا جشن بیته. انده درو بوفتنه که نائونپرس. هنتائم زیادی لونه. سردوشی او جنه آهرناکسی ر کلنگ دوش نیشندنه. تا اونجه که گتینگنا مردخدوین، د/دیزا، ددار، خش خشروآ دشمن پلی تشدئون ر مردم دوش جا بوتنه، بن/بند دوسسنا نوم رم گوم به گوم هاگردنه. ونه جاسر اتتا بدرخت زوردار، دخدا یا بدخدائی که شه ر خدا خونسسه، آدم ناگتمر، ناخشا دکت مردار، سرور آدم سرخار، هنتاپاک مرکمیت هنشندینه. کاردکت دب بزه ر "ضحاک ماردوش" بنمانه.

سردمدارون، شغله ائون و لاشخرا، یرش، کفتل کاری، رخت پاش و ... مغه انده اندوئه. هرزمون روش دکتنه، بنه و بنه دار ر فروبورده. مخ بزونه و مغز بخردنه، شه سرر فراز هدانه. خامه ر کتک بساتنه و تاریخ کفتل بفرمینه. انده کل یار و کل یار دارنه که هلائم بورن. اتتا نمونه ی دیگه رزدم سروج هسسه. چنده باهانه بیته و بسروسسنه؟ سربه سر دراغ بوارسسنه. امه گت

ترون ر دو/دی ته پر (دپور، دی پر، دوتبار...) باتنه و
"دیو" ر نفرین هاگردنه. چن سر امه کشور یا استان
نوم رم دس بوردنه و آخر سر "طبرستان" بکشینه؟
(دککل مازایدر، مازاندران، دی پراستان، دو پورستان،
دیپورستان، تاپورستان... تپورستانم نا، تپرستان اربی
نما) دس دسی گت شا، رگتم/رزتیم پلی بون ر رستم
پهلوون ونگ هدا، انده بتاجندینه... ای دو سیرخار،
تش دهون و تناور سرر بورینه، ای مردم افسرار
"دیوان مازاندران" بنامسسنه. به گمون هر گدر توش
هدامی و تن ندامی، بیشتر نفرین بی می و ناسزا بدیمی!
این روزگار دلهئم، خله میرخ سنگ دس کش، پیدا بونه
که ندوننه "Reallist" کنه سونه و کره سونه.
تا این په اون په کنه، سر رکنه و رغد شوننه، اون
سون که ونه بووشه بونه. تجو/تج اوی دونائی
مریک/مریک خدائون ر رخیک/رخیک سونه و
رک/رگ وازی کنده. سیو سنگ رم رخ دنه و مرخ
سازنه. "شانس" chance بیاره و خش وین وچهی دس
دکفه، دس مره "ربات" Robot گردنی بگرده!
تا کی تونانه تاریخ تک ر بدوجن؟ چنه توننه کنج
نشینار بوریجن و نوآرون سرکتار ر دوندن؟ دئی بشر
انده پیش بورده که آسمون سر گردک آبادی بناشته.
همه ات جور گپ زننه و دنیا وشون وتن. هرنوکاری شه
کشور و مردم جا یادگاری همرکت دارنه. دگردیم شه ر
هارشیم چن تا شاب پیش بوردیمی یا چه انده پس
درمبی؟ بدون بوئیم مردم سرسالاری آمدگاره. هلاهلا
کار دارمی، دنیا ر بکته کاره. "گیل ماز" Gil Māz و
همساینون رم روائه. منه کل دس و یورنیشث جا همی

اندک بر بومو که شه سروسامون زبون، تاریخ و داری
دیگر راتی بنوازم و هلاکندم.
اون دس دور که شه زبون ر شیش هاکنه و این نماشته
گپ توم دس به رجتر، سره سردار ر خارو خوبش
بروشه!

های فلونی، تی جامه، اوسانه نامبه. ندوندی کمین وری
رغد شونی؟ هنتا خوردی که مرخ ر مرواری ویندی.
یادنیارنی ات شو کله ونگ سردائی و سما کردی. دل
بخائی جم گتی. چش به رائی ر نویشتی. کنه همرکت
دئی؟! اسا اینتی بیی که همسون داشتی ر سرکشنی
و شه سره پتی دنی؟! تئم پول اشمار واری دمبه و
سمبه بیی؟ دلیک و خیره که بی. مرکل و باج گیرم بیی؟
چنده باتمه، وشناچش، اتی پرزهاکن. بیخدی ششم
نکش، پیش رهارش. کبل یا کل امیرون ممل نواش. وای
پشتی اونکف، هنتا هسنوکر نئی. گت کللاک سربرسه،
اسبه سیو نکنده. ترم اوبخرد و وادکت، دریو جه کفتل
کنده یور!

اشون که شیخ شیخ متی و تش سرخی ر گیتی. تی چش
اسلی (ته بئواسری) نوسسه، شه ره ناتی دیگه وسسه؟!
ته جامه، های کم سوئی نوم! انده سرکو وسسه ایدی
پیشی یا هنتا هاشت و هوشت ونه؟ آدم انده پوس
کلفت و چش بلشت؟!

تی جا انده برننه که همین کلچینی ربوینی و فارسی
بنمائی. می گمون چارشمبه بازار مائی روش، ته و ته
اسسائون زکوتوم ویشتر، بورد بیاخت مازندرون

مردم ر بشمارس دارنه. کلو کلو بباخته و دسمره نی‌یه.
پس وئو ونه هم سره اون و هم سون سرخش!

اسمیل وچه (بمون تیوری)
۱۳۷۹/۱۲/۲۴=۲۰۰۱/۳/۱۴